

Namo tassa bhagavato arahato sammāsambuddhassa

## Kamalāñjali

1. Kamalāsana kamalāpati pamathādhipa vajirā,  
Yudhadānava manujoraga bhujagāsana patinaṃ;  
Makuṭāhita manidīdhiti bhamarāvali bhajitaṃ,  
Paṇamā'mahaṃ anaghaṃ muni caraṇāmala kamalaṃ.
2. Kamalālaya sadi'saṅkita kalamaṅgala ruciraṃ,  
Jutirañjitaṃ abhiniijita subhakañcana nalinaṃ;  
Janitā cira samaye nija pitu bhūpati namitaṃ,  
Paṇamā'mahaṃ anaghaṃ muni caraṇāmala kamalaṃ.
3. Saraṇāgata rajanīpati dinasekhara namitaṃ,  
Bhajitākhila janapāvanaṃ abhikañkhita sukhadaṃ;  
Vasudhātala sayamuggata sarasīruha mahitaṃ,  
Paṇamā'mahaṃ anaghaṃ muni caraṇāmala kamalaṃ.
4. Diradāsana tarupantika ghaṭitāsanaṃ abhayaṃ,  
Vijayāsana samadhiṭṭhita caturaṅgika viriyaṃ;  
Dharamānaka suriyehani vijitantaka dhajiniṃ,  
Paṇamā'mahaṃ abhipātita namuciddhaja vibhavaṃ.
5. Sadayodita piyabhārati vijitantaka samaraṃ,  
Dasapārami balakampita sadharādhara dharaniṃ;  
Girimekhala varavārana sirasānata caraṇaṃ,  
Paṇamā'mahaṃ abhinandita sanarāmara bhuvanaṃ.
6. Nikhilāsava vigame'nativimalīkata hadayaṃ,  
Tadanantara viditākhila matigocara visayaṃ;  
Visayīkata bhuvanattayaṃ atilokiya caritaṃ,  
Paṇamā'mahaṃ aparājitaṃ arahaṃ muniṃ asamaṃ.
7. Mudubhārati madhupāsita nalinopama vadaṇaṃ,  
Rucirāyata nalinīdala nibha locana yugalaṃ;  
Udayodita ravimaṅḍala jalitāmala niṭilaṃ,  
Paṇamā'maha akutobhayaṃ anaghaṃ muni pamukhaṃ.
8. Asitambuda rucikuñcita mudu kuntala lalitaṃ,  
Bhuvanodara vitatāmita jutisañcaya jalitaṃ;  
Madamodita diradopama gativibbhama ruciraṃ,  
Paṇamā'mahaṃ amatandada munipuṅgavaṃ asamaṃ.
9. Karuṇārasa paribhāvita savaṇāmata vacanaṃ,  
Virudāvali sataghosita yasapūrta bhuvanaṃ;  
Sumanohara varalakkhaṇa sirisañcaya sadanaṃ,  
Paṇamā'mahaṃ uditāmala sasimaṅḍala vadaṇaṃ.
10. Vinayāraha janamānasa kumudākara sasiṇaṃ,  
Tasiṇāpaga parisosana satadīdhiti tulitaṃ;  
Tamanāsava munisevitaṃ apalokita sukhadaṃ,  
Paṇamā'mahaṃ aniketanaṃ akhilāgati vigataṃ.
11. Sahitākhila bhayabheravaṃ abhayāgata saranaṃ,

Ajarāmara sukhadāyakaṃ anirākata karuṇaṃ;  
 Tamupāsaka janasevita supatitṭhita caraṇaṃ,  
 Paṇamaṃ'mahaṃ ahitāpahaṃ anaghuttama caraṇaṃ.

12. Karuṇāmata rasapurita vīmalākhila hadayaṃ,  
 Vihitāmīta janatāhitaṃ anukampita bhuvanaṃ;  
 Bhuvane sutamaṃ avanīpati sata sevita caraṇaṃ,  
 Paṇamaṃ'mahaṃ anaghaṃ muniṃ aghanāsana caturaṃ.
13. Aratīrati paripīlita yatimānasa damanaṃ,  
 Nijasāsana vinivārita puthutitṭhiya samaṇaṃ;  
 Paravādika janatākata paribhāsita khamanaṃ,  
 Paṇamaṃ'mahaṃ atidevata vara gotama samaṇaṃ.
14. Saraṇāgata bhayanāsana vajirālaya paṇibhaṃ,  
 Bhavasāgara patitāmīta janatārana nirataṃ;  
 Sirasāvahaṃ amalañjali puṭapaṅkaja makulaṃ,  
 Paṇamaṃ'mahaṃ akhilaṭāya vigataṃ muniṃ atulaṃ.
15. Vimalīkata janamānasa vigatāsava bhagavaṃ,  
 Bhavapāraga vibhavāmata sukhadāyaka satataṃ;  
 Paramādara garugārava vinataṃ jina payataṃ,  
 Padapaṅkaja rajasā mama samalaṅkuru sirasaṃ.
16. Pavanāhata dumapallavaṃ iva nārata capalaṃ,  
 Bhavalālasa malinīkataṃ ajitindriya nivahaṃ;  
 Cira sañcita duritāhataṃ anivārita timisaṃ,  
 Vimalīkuru karuṇābhara sutaraṃ mama hadayaṃ.
17. Adaye dayamaṃ anaye nayaṃ api yo guṇamaṃ aguṇe,  
 Ahite hitamaṃ akaro kvacida api kenaci nakataṃ;  
 Sadaye jina sunaye guṇasadane tayi nitaraṃ,  
 Suhite hitacarite'nagha ramate mama hadayaṃ.
18. Bhavasāṅkaṭa patitenapi bhavatā cira caritaṃ,  
 Visame sama caraṇamaṃ khalu dasapārami bharaṇaṃ;  
 Sarato'hani sarato nisi supinenapi satataṃ,  
 Ramate jina sumate tvayi sadayaṃ mama hadayaṃ.
19. Atiduddamaṃ adadī bhavaṃ atidukkamaṃ akarī;  
 Atidukkhamamaṃ akhamī vata karuṇānidhi'rasamo,  
 Iti te guṇamaṃ anaghaṃ muni sarato mama hadayaṃ,  
 Ramate'hani ramate nisi ramate tvayi satataṃ.
20. Atiduccamaṃ acarī bhavaṃ atiduddamaṃ adamī,  
 Atiduddayaṃ adayī vata sadayāpara hadayo;  
 Iti te guṇamaṃ anaghaṃ muni sarato mama hadayaṃ,  
 Ramate'hani ramate nisi ramate tvayi satataṃ.
21. Atiduggamaṃ agamī bhavaṃ atidujjayaṃ ajayī,  
 Atidussamaṃ asahī vata samupekkhita manaso;  
 Iti te guṇamaṃ anaghaṃ muni sarato mama hadayaṃ,  
 Ramate'hani ramate nisi ramate tvayi satataṃ.
22. Atidārūna palayānala sadisānala jalite,

- Niraye vinipatito ciraṃ aghatāpita manaso;  
Na sariṃ sakida api te pita bhajituṃ padanalināṃ,  
Khama gotama narasārathi tamidaṃ mama khalitaṃ.
23. Tiriyaggata-gatiyaṃ ciraṃ anavaṭṭhita carito,  
Atiniṭṭhura vadhatajjita bhayakampita hadayo;  
Na sariṃ sakidapi te pita bhajituṃ padanalināṃ,  
Khama gotama purisuttama tamidaṃ mama khalitaṃ.
24. Paridevana nirato ciraṃ atha pettiya visaye,  
Sujighacchita supipāsita parisosita jāṭhare;  
Na sariṃ sakidapi te pita bhajituṃ padanalināṃ,  
Khama gotama dipaduttama tamidaṃ mama khalitaṃ.
25. Vivaso bhusaṃ aghadūsita manasāsura visaye,  
Janito ghanatimire ciraṃ atidukkhita hadayo;  
Na sariṃ sakidapi te pita bhajituṃ padanalināṃ,  
Khama gotama vasisattama tamidaṃ mama khalitaṃ.
26. Manasā cira vihitāṃ saraṃ atikibbisa caritaṃ,  
Samathenatha suvirājiya taṃ asaṅṅitaṃ upago;  
Na sariṃ sakida api te pita bhajituṃ pada nalināṃ,  
Khama gotama vasipuṅgava tamidaṃ mama khalitaṃ.
27. Vijigucchiya duritaṃ nija vapusā kataṃ amitaṃ,  
Tanu vajjitaṃ upago bhavaṃ iha bhāvita samatho;  
Na sariṃ sakidapi te pita bhajituṃ padanalināṃ,  
Khama gotama yatikuṅjara tamidaṃ mama khalitaṃ.
28. Ratanattaya rahite bhusa bahulīkata durite,  
Janito paravisaye budhajana nindiya carite;  
Na sariṃ sakidapi te pita bhajituṃ padanalināṃ,  
Khama gotama karuṇānidhi tamidaṃ mama khalitaṃ.
29. Janito yadi manujesupi vikalindriya nivaho,  
Tanunā karacaraṇādihi vikate'niha dukhito;  
Na sariṃ sakidapi te pita bhajituṃ padanalināṃ,  
Khama gotama matisāgara tamidaṃ mama khalitaṃ.
30. Vidhināhita matibhāvana rahito tamapihito,  
Visadesupi kusalādisu tathadassana vimukho;  
Na sariṃ sakidapi te pita bhajituṃ padanalināṃ,  
Khama gotama narakesari tamidaṃ mama khalitaṃ.
31. Sucirenapī bhuvī dullabhaṃ asamaṃ khaṇaṃ alabhaṃ,  
Sanarāmāra janatāhita sukhadaṃ muni jananaṃ;  
Na sariṃ sakidapi te pita bhajituṃ padanalināṃ,  
Khama gotama vadatamvara tamidaṃ mama khalitaṃ.
32. Nisitāyudha vadhasajjita khaḷaniddaya hadayo,  
Parahiṃsana ruci bhīṃsana yamasodara sadiso;  
Na sariṃ sakidapi te pita bhajituṃ padanalināṃ,  
Khama gotama munisattama tamidaṃ mama khalitaṃ.
33. Parasantaka haraṇe katamati baṅcana bahulo,

- Gharasandhika paripanthika sahasākati nirato;  
Na sariṃ sakidapi te pita bhajitūṃ padanalināṃ,  
Khama gotama munipuṅgava tamidaṃ mama khalitaṃ.
34. Navayobbana madagabbita parimucchita hadayo,  
Sucisajjana vijigucchiya paradārika nirato;  
Na sariṃ sakidapi te pita bhajitūṃ padanalināṃ,  
Khama gotama karuṇābhara tamidaṃ mama khalitaṃ.
35. Madirāsavarata nāgarajana santata bhajito,  
Garugārava hiridūrta tiriyaḅgata carito;  
Na sariṃ sakidapi te pita bhajitūṃ padanalināṃ,  
Khama gotama vihatāsava tamidaṃ mama khalitaṃ.
36. Sapiṭāmaha papitāmaha nicitaṃ dhanāṃ amitaṃ,  
Pitusañcitamaṃ nāsiya kitavo hatavibhavo;  
Na sariṃ sakidapi te pita bhajitūṃ padanalināṃ,  
Khama gotama vijitantaka tamidaṃ mama khalitaṃ.
37. Vitathālika vacano parapiyasuññata karaṇo,  
Pharusāṃ bhaṇāṃ atinipphala bahubhāsana nipuṇo;  
Na sariṃ sakidapi te pita bhajitūṃ padanalināṃ,  
Khama gotama bhuvanesuta tamidaṃ mama khalitaṃ.
38. Parasampadaṃ abhijhāyana nirantara dukhito,  
Nabhirajjhana paramo kvaci phaladassana rahito;  
Na sariṃ sakidapi te pita bhajitūṃ padanalināṃ,  
Khama gotama guṇasāgara tamidaṃ mama khalitaṃ.
39. Bhavato bhavaṃ aparāparaṃ ayatāciraṃ iti me,  
Vapusā atha vacasāpi ca manasā kataṃ amitaṃ;  
Khama gotama duritāpaha duritaṃ bahuvihitaṃ,  
Dada me sivapadaṃ accutaṃ amataṃ bhavavigataṃ.
40. Timirāvuta kuṇapākula vijigucchiya pavane,  
Janikāsuci jaṭhare bahu kimisantati sadane;  
Asayiṃ bhavagahaṇe caraṃ ahaṃ appaṭisaraṇe,  
Saraṇaṃ bhava bhagavaṃ mama bhavanīradhi taraṇe.
41. Bahi nikkhamāṃ asakiṃ bhagatiriyaṃ patha patito,  
Agadaṅkara kata sallaka satakhaṇḍita karaṇo;  
Amarīṃ bhavagahaṇe caraṃ ahaṃ appaṭisaraṇe,  
Saraṇaṃ bhava bhagavaṃ mama bhavanīradhi tarane.
42. Patito bahi ratipillaka tanurāmaya mathito,  
Vaditūṃ kimu viditūṃpi ca na sahaṃ matirahito;  
Amarīṃ bhavagahaṇe caraṃ ahaṃ apphṭisaraṇe,  
Saraṇaṃ bhava bhagavaṃ mama bhavanīradhi taraṇe.
43. Janito yadi sukhito janadayito piyajanako,  
Puthuko bahavidha-kīlananirato gadagahito;  
Amarīṃ bhavagahaṇe caraṃ ahaṃ appaṭisaraṇe,  
Saraṇaṃ bhava bhagavaṃ mama bhavanīradhi taraṇe.
44. Tarunopi hi gharabandhana gathitomita vibhavo,

- Sahasā gadagahito piyabhariyāsuta viyuto;  
Amarim bhavagahaṇe caraṃ ahaṃ appaṭisaraṇe,  
Saraṇaṃ bhava bhagavaṃ mama bhavanīradhi taraṇe.
45. Ajaraṃ tanuṃ abhimaññiya navayobbana vasiko,  
Jarasā parimathito paraṃ ananuṭṭhita kusalo;  
Amarim bhavagahaṇe caraṃ ahaṃ appaṭisaraṇe,  
Saraṇaṃ bhava bhagavaṃ mama bhavanīradhi taraṇe.
46. Nirujo dhuvaṃ arujaṃ tanuṃ abhimaññiya samado,  
Kusalāsaya vimukho bhusaṃ avaso gadanihato;  
Amarim bhavagahaṇe caraṃ ahaṃ appaṭisaraṇe,  
Saraṇaṃ bhava bhagavaṃ mama bhavanīradhi taraṇe.
47. Pavicintiya sakajīvitaṃ amaraṃ dhuvaṃ anighaṃ,  
Iti jīvitamadagabbita matirujjhita kusalo;  
Amarim bhavagahaṇe caraṃ ahaṃ appaṭisaraṇe,  
Saraṇaṃ bhava bhagavaṃ mama bhavanīradhi taraṇe.
48. Parahiṃsana dhanamosana paradārika nirato,  
Dharanīpati gahito bahu vadhabandhana nihato;  
Amarim bhavagahaṇe caraṃ ahaṃ appaṭisaraṇe,  
Saraṇaṃ bhava bhagavaṃ mama bhavanīradhi taraṇe.
49. Narakodaka patito giritarumatthaka galito,  
Migavāḷaka gahito visadhara jātihi ḍasito;  
Amarim bhavagahaṇe caraṃ ahaṃ appaṭisaraṇe,  
Saraṇaṃ bhava bhagavaṃ mama bhavanīradhi taraṇe.
50. Abhicāraka vidhikopita nasicāraka gahito,  
Savisodana sahasādana pabhutīhi ca khalito;  
Amarim bhavagahaṇe caraṃ ahaṃ appaṭisaraṇe,  
Saraṇaṃ bhava bhagavaṃ mama bhavanīradhi taraṇe.
51. Sayamevaca sajanopari kupito mativiyuto,  
Savisādana galakantana pabhutāmita khalito;  
Amarim bhavagahaṇe caraṃ ahaṃ appaṭisaraṇe,  
Saraṇaṃ bhava bhagavaṃ mama bhavanīradhi taraṇe.
52. Pitupūjana niratāsaya sukhito pitudayito,  
Maraṇenaca pituno bhusaṃ anusocana nirato;  
Parudiṃ ciraṃ atidussaha kasire bhavagahaṇe,  
Saraṇaṃ bhava bhagavaṃ mama bhavanīradhi taraṇe.
53. Samupaṭṭhiya janikaṃ nijaṃ abhivādana paramo,  
Maraṇenaca janikāyanusaritā guṇamahimaṃ;  
Parudiṃ ciraṃ atidussaha kasire bhavagahaṇe,  
Saraṇaṃ bhava bhagavaṃ mama bhavanīradhi taraṇe.
54. Gurudevata patimānana paramo piyasuvaco,  
Samupāsitacaraṇo gurumaraṇenatidukhito;  
Parudiṃ ciraṃ atidussaha kasire bhavagahaṇe,  
Saraṇaṃ bhava bhagavaṃ mama bhavanīradhi taraṇe.
55. Gharamedhitaṃ upagomitavibhavo ratibahulo,

Marañe piyabhariyāsutaduhitū' natikaruṇaṃ;  
Parudiṃ ciraṃ atidussaha kasire bhavagahaṇe,  
Saraṇaṃ bhava bhagavaṃ mama bhavanīradhi taraṇe.

56. Piyapubbaja sahañānuja bhagiṇidvaya marañe,  
Nija bandhava-sakha-sissaka marañe pyatikaruṇaṃ;  
Parudiṃ ciraṃ atidussaha kasire bhavagahaṇe,  
Saraṇaṃ bhava bhagavaṃ mama bhavanīradhi taraṇe.
57. Jagatīpati gahaṇā ripujanatakkara harañā,  
Saritodaka vahaṇā puthujalitānala dahaṇā;  
Parudiṃ hatavibhavo ciramiha duggatigahaṇe,  
Saraṇaṃ bhava bhagavaṃ mama bhavanīradhi taraṇe.
58. Atiduggama visamākula bhavasankāṭa patite,  
Byasanaṃ ciramiti dussahaṃ anubhūyapī vimitaṃ;  
Na jahe sukhalavavañcitahadayo bhavatasinaṃ,  
Tamapākuru karuṇānidhi tasinaṃ mama kasiṇaṃ.
59. Jananāvadhi marañāṃ viya marañāvadhi jananaṃ,  
Ubhayenapī bhayamevahi bhavato mama niyataṃ;  
Sivamevaca janāvadhi marañāvadhi rahitaṃ,  
Dada me sivaṃ amatandada taṃ anāsava bhagavaṃ.
60. Ciradikkhitamapī me manaṃ anivārita tasinaṃ,  
Bhavato bhava ratipīlitaṃ ahaha kalighaṭitaṃ!  
Tamato pīta bhayato mamamava me bhava saraṇaṃ,  
Bhagavaṃ paṭisaraṇaṃ mama bhavanīradhi taraṇaṃ.